



ル 5  
3143  
13



門 儿 5  
流 3143  
卷 13

伊尹生於空桑

林院編修孫星衍

同纂



明李興伊尹辨

伊尹生不經見帝王世記云伊尹生於空桑下地孟子

志云生於空桑以伊尹為姓一統志云空桑澗在嵩

縣南有莘氏女采桑伊尹得子於空桑中長而相殷是

夏師系志 卷二十一 藝文志

為伊尹及攷封陳留莘野門有空桑城在縣南伊  
 尹母孕避水東走化為空桑有莘氏得嬰兒於其  
 中又曰伊尹生於伊水之上志人物既於河南又於開  
 封志流寓又寓西安觀者疑之又有以盧氏莘川郟陽  
 莘國亦援以為言者殊不知一為神降於莘之墟一為  
 禹後受封之國與尹殊無干涉此無他皆自莘字中來  
 使其言然則鄭州之莘城莘縣之莘亭亦可以附會其  
 說矣矧地之相去如此其遠而尹之壽年無所攷假令  
 既耕於此復耕於彼口亦不足矣格天之功託孤之重  
 何年而建耶俗傳之謬大率類此竊詳尹生真末道

已千百年尚人世傳如出一口與前所云若合符者  
 考籍籍嵩古伊川地也縣之南有水曰伊即伊水也伊  
 上因以為姓者水之南有澗母空桑即伊母所化桑女  
 得子於中者澗之東有澗曰莘樂即所謂耕莘樂道三  
 便往聘者凡前所載歷歷有徵餘皆無之且其地有尹  
 祠歲時伏臘振古如茲正胡尚書潔列憲僉咸咏於  
 詩載於記二公學稱博必有其見今偃師西有尹墓  
 與嵩密邇又可見首邱之本古今通義由是言之伊尹  
 以水為姓其生其耕必於嵩也明矣而一統志必備錄  
 之乃史傳疑常例在人自當明辨或以湯都亳尹相之

陳留乃其畿內首善之地也當時後世沐其膏澤慕其  
桑梓好事者以故居名之外猶周子濂溪實在營道後  
居匡廬亦名其水濂溪理以然也抑古人志在四方禮  
曰東西南北之人是已尹也或壯而遊老而休曾一  
之摹寫故鄉之景以慰本心之思亦未可知第生於伊  
上姓於伊水樂於莘耕惟思爲然餘不足論疑者乃曰  
吾子之辨似然杞盧陳留皆一廟而祀之何居曰大舜生  
於諸馮遷於負夏而海南祀之孔明生於瑯琊寓於南  
陽而巴蜀祀之兩程生於黃陂家於伊洛而南安祀之  
蓋其亦風思其造化亦理之常耳凡此類者聖者

然何獨至於尹而疑之疑者又曰尹雖元聖亦人耳人  
生於桑有諸曰元鳥降而生商巨蹟履而生周在古則  
然矣故張子曰天地之始未嘗先有人也人自有而生  
生者蓋天地之氣生之也蘓氏曰凡物之異於常物其  
取天地之氣常多故其生也或異麒麟之生異於犬羊  
螭龍之生異於魚鼈神人之生而異於人何足怪哉况  
尹娠於母化爲空桑實非桑之所生也疑者憮然曰命  
之矣有客過余草堂偶話及此因請筆之遂爲之辨本  
攷

國朝郭楠卿偃師西境古蹟攷

人知偃師之西境隣於洛陽而不知洛陽之舊境實半  
 縮於偃師蓋今偃之與洛其交界在故洛城之東乃古  
 洛陽縣治之所居而茲為偃師之所隸也原故洛城址  
 即古成周又曰下都周公之居東畢公之保釐東郊  
 君陳之尹茲東郊胥在於此厥後敬王徙王城而都焉  
 東漢魏晉及後魏胥因之其故洛城以西載在洛陽縣  
 志不具論其城東之屬於偃按後魏撫軍司馬楊銜之  
 撰洛陽伽藍記詳載官廡宅第等蹟有班班可考者其  
 記京城之東有三門焉北頭第一漢曰上京門魏晉

曰建春門

即今保駕

穀水周迴繞城至此門

石橋

即今之

南北而行後漢時其橋已廢

石檻四柱在東西御道南銘云漢陽嘉四年將作大  
 匠馬憲造橋南即中朝牛馬市刑稽康市西有龍華寺  
 寺南有租場乃中朝時常滿倉天下貢賦所聚蓄也橋  
 北大道西為建陽里即中朝時白杜地董威輦所居處  
 里內有中朝真亭與道南租場相對又有瓔珞慈善暉  
 和通覺暉元宗聖魏昌熙平崇真因果十寺而魏昌尼  
 寺在里東南角即前所云牛馬市處也東為緩民里里  
 內有洛陽縣前臨渠水門外有縣令楊機清德碑再東  
 為崇義里里內有京兆人杜子休宅地勢顯敞門臨渠

水卽中朝時太康寺也係襄陽侯王濬所造後杜又捨  
 爲靈應寺崇義里東有七里橋以石爲之乃杜預之荆  
 州出頓之所也東一里郭門開三道號三門按此當在溝口頭香  
 帶離別者多云相送三門外京師士子送去迎歸多  
 在此建春門之次南漢曰東中門魏晉後魏俱曰東陽  
 門卽今義井舖西城門口門外東西鄉道卽今北爲暉文里里內有  
 太上公寺乃魏胡太后爲其母秦太上君祈福而立內  
 四碑銅太上公寺在今寺裡碑村南此碑北屬洛陽南屬偃師又有太保崔充太傅李  
 延實冀州刺史李某秘書鄭道昭四宅延實宅是蜀主  
 禪故宅延實宅東有修和宅是吳主孫皓宅李某宅

正始寺南爲招德里按此二里當在里內有尙書僕射

游擊御史尉李彪七兵書崔琳幽州刺史常景司農張  
 倫等五宅倫造景陽山今石橋鑿西南有岡巋然或其地也其中重巖複

嶺嶽岑相屬深谿洞壑遷透連接士人遊者樂以忘歸  
 天水人姜質爲造亭山賦暉文里東爲東安里里有莊

嚴寺北爲租塲有駙馬都尉司馬洗濟州刺史介宣幽  
 州刺史李真奴豫州刺史公孫驥四宅南頭之門漢曰

望京門魏晉後魏俱曰青陽門門外二里御道北曰孝  
 敬里今當在宋家灣里有平等寺寺門外金像一軀高二丈八

偃師縣志

尺孝昌三年十二月中此像面有悲容兩目垂泪比邱以綿拭之綿濕都盡三日乃止明年爾朱榮入洛陽誅戮百官死亡塗地永安二年三月此像復汗五月北海王入洛莊帝北巡七月北海王敗子弟五千盡被俘虜永安三年七月此像復悲泣如初至十二月爾朱兆入洛陽擒莊帝於晉陽孝敬里東有孝義里在青陽門外今當在魚里西北角有蕪秦冢孝義里東即洛陽小市郭村左右北有車騎將軍張景仁宅孝義里北殖貨里有太常民劉胡兄弟四人居猪爲業永安年中殺猪猪忽唱命即捨宅爲歸覺寺普泰元年此寺金像生毛眉髮

至明年廣陵被廢死由此觀之則故洛城之東上公寺在寺裡碑村今猶爲洛陽之一區而其南之井舖北之保駕莊東之廟莊石橋鎮昔近洛郊者今皆屬偃師之西境矣今由故洛城之舊址據寺裡碑之石龕約前後左右而揆度之雖昔年景物盡歸烏有而敝壘荒岑尙堪彷彿故表而出之以見桑梓之傷即當年之晋代衣冠而其同阿房而俱盡者且難辨古址之屬於何代也

國朝劉青藜顏魯公墓考

偃師北里許世傳唐顏魯公墓在焉鞏令顏光昌公裔

孫也將樹碑以表之求文於予予歷覽傳記所載魯公  
葬處言人人殊竊嘗疑焉按魯公以建中四年春正月  
奉詔宣慰李希烈於汝州興元元年八月遇害其死事  
本末通鑑綱目載之詳矣而歸葬則不之及舊唐書本  
傳云希烈既僭號使閹奴等縊殺之淮泗平陳仙奇使  
護喪歸京師新書子頽碩護喪遣帝廢朝五日亦不言  
葬於何地一統志及輿圖諸書皆云墓在偃師又米芾  
所紀南海寄書事亦云公塋在偃師北山博物志與此  
頗同獨啟壙之後鬚髮皆長尺餘與芾所謂棺已空者  
則大異也蓋魯公之學問文章往往雜於浮屠神仙之

言故世爲譏怪恍惚之事以附益之而諸書遂據爲  
偃師之証不足信也元葛堯民謂魯公與臬卿墓在費縣  
諸滿里北山之陽明邵以仁二顏墓碑記亦云爾且以  
魯公十一世孫安上之徙祠爲証按徙祠在宋元祐六  
年詳職方員外郎曹輔記中以仁蓋本於堯民堯民又  
本於曹輔但云顏文忠公有廟在瑯琊之費距縣五十  
里曰諸滿村安上以其僻遠徙置祊河之東未嘗云墓  
在費也而堯民以仁遂迭相援引抑又誤矣唐令狐坦  
所撰魯公墓志云公以興元元年八月三日遇害於蔡  
州之永興寺貞元二年春蔡平冬十一月二旬有三嗣



子杓楊尉頤秘書省正字頤奉喪歸於萬年縣之舊原  
 詔有司具鼓吹羽儀送於墓所萬年縣卽今之咸寧魯  
 公世家於魯自其十六世祖盛徙瑯琊臨沂及之推官  
 周齊因居關中師古公五世祖也卒葬萬年志謂之舊  
 原者卽此地也頤頤奉喪還與新唐書正符而與舊書  
 陳仙竒還使護喪不同按仙竒以貞元二年夏四月殺  
 李希烈降秋七月爲其將所殺而魯公喪歸在冬十一  
 月則仙竒死五月矣當屬舊書誤也諸書旣多抵牾惟  
 墓志詳核又出同時之所撰述最爲可據以此知魯公  
 之墓斷爲萬年無疑也然所謂葬偃師者亦頗有說

父兄春卿者果卿之長兄也家廟碑云終於偃

丞意其歿於此而葬於此焉而春與真其音相近傳聞  
 之訛不復加察遂指此若堂者爲魯公埋骨之所理或  
 然也然則鞏令之樹碑其可已乎曰否茲墓旣傳爲魯  
 公則萬年之墓且莫知爲誰氏矣又安知其不剪削磨  
 蕩爲平原也耶故爲詳辨其事俾勒石墓左使讀者有  
 以考而知焉

高陽山人集續

條議

糧儲驛鹽道温必聯黃河水凍調撥榮澤縣驛馬協濟  
 榮陽鞏縣偃師三縣條議

頃奉札飭查黃河水凍調撥榮澤縣馬協濟榮陽鞏縣  
偃師應差雖係相沿舊例但河凍究係如何難行榮偃  
鞏三縣馬匹果否不敷必須協濟向於何日撤回查明  
詳晰稟覆等因職道遵查豫省南北公文差使往來自  
南來者由鄭州至榮澤渡河以達亢村驛自北來者由  
新鄉至亢村驛渡河以達榮澤該處河身水淺流緩中  
隔沙灘間段過渡每至嚴寒卽易冰凍不能行舟又非  
連底堅冰難勝車馬踐碾必須由鄭州繞道榮陽鞏縣  
偃師至孟津渡河歷孟縣河內修武獲嘉肅達新鄉  
孟津渡口水深溜急向不凍結陸路雖覺迂迴然可因

時濟渡不致耽延所以速郵傳重差務也查孟縣河  
內修武獲嘉等驛有馬四十餘匹至五十餘匹不等卽  
遇繞道尙敷借應惟榮陽鞏縣偃師三縣額馬僅三十  
匹至三十二匹爲數甚少驟增南北兩路之差應付難  
免支絀案於康熙五十九年因黃河水凍臨時詳請協  
馬稽遲貽悞嗣後每年預請派撥協濟循行已久職道  
歷稽詳案雍正年間係每縣協馬十四匹調榮澤鄭州  
洛陽三處之馬分撥三縣亦有不調洛陽而調新安者  
自乾隆二年以後則統調榮澤馬三十匹分撥三縣其  
統調原委因從前科房雨水倒塌案卷霉爛不全無從

稽政揆厥所由或因公文差使既繞道行走即不經由  
滎澤而滎澤有馬一百二匹水凍期內竟獲安閒至於  
洛陽新安本係西路衝途難以再撥外協而鄭州即遇  
水凍仍係經由之地尤難再顧是以統調滎澤之馬名  
雖協濟別屬實則應付分內之差似屬平允且查歷年  
雖係預請派撥必俟水凍始赴站所而水凍亦係間有  
之事近歲以來惟乾隆十六十八二十二二十六等年據  
報水凍馬匹赴站其水凍赴站以至水泮撤開之期或  
僅數日至十餘日惟二十六年凍至四十餘日是水  
既非歲歲常有而水結又為日無多滎澤協濟亦不

係似可循舊辦理再查亢村驛雖與滎澤連

滎係同滎陽鞏縣偃師俱在河南相距較近一至水凍  
趕馬赴站易於呼應而亢村地處河北若令分任協濟  
水凍之後馬匹即難徑渡如取道孟津長驅四百微特  
易疲更恐緩不濟急是以向不兼調亢村之馬合併聲  
明

賦

漢杜篤首陽山賦

嗟首陽之孤嶺形勢嶮其盤曲而河源而抗巖隴埏隈  
而相屬長松落落卉木蒙蒙青羅落落莫而上覆穴溜滴

滌而下通高岫帶乎巖側洞房隱乎雲中忽吾觀兮二  
老時採薇以從容於是乎乃極其所求問其所修州域  
鄉黨親戚匹儔何務何樂而並茲遊矣二老乃答余曰  
吾殷之遺民者也厥亂孤竹作藩北淵少名叔齊長曰  
伯夷聞西伯昌之善政育年艾於黃耆遂相攜而隨之  
冀寄命乎餘壽而天命之不常伊事變而無方昌服事  
而畢命予忽覩其不祥乃興師於牧野遂干戈以伐商  
乃棄之而來遊誓不步於其鄉余闕口而不食並卒命

乎山旁

本集

晉阮籍首陽山賦

有

正元元年秋余尚爲中郎在大將軍府獨往南牆下  
首陽山賦曰

在茲年之末歲兮端旬首而重陰風飄回以曲至兮雨  
旋轉而織襟蟋蟀鳴乎東方兮鴟鵂號乎西林時將暮  
而無倚兮慮悽愴而感心振莎衣而出門兮纓委絕而  
靡尋步徙倚而遙思兮喟嘆息而微吟將修飭而欲往  
兮衆離離而笑人靜寂寞而獨立兮亮孤植而靡因懷  
分索之情一兮穢群僞之射真信可實而弗離兮寧高  
舉而自儼聊仰首以廣頰兮瞻首陽之岡岑樹叢茂以  
傾倚兮紛蕭爽而揚音下崎嶇而無薄兮上洞徹而無

依鳳翔過而不集兮鳴臬群而並棲颺遙逝而遠去兮  
 二老窮而來歸實四軋而處斯兮焉暇豫而敢誹嘉粟  
 辨而不存兮故甘死而採薇彼背殷而從昌兮投危敗  
 而弗遲此進諫而不合兮又何稱乎仁義肆壽夭而弗  
 豫兮競毀譽以為度察前載之是云兮何美論之足慕  
 苟道求之在細兮焉子誕而多辭且清虛以守神兮豈  
 慷慨而言之

阮步兵集

詩

樂府雜體

高僧夷叔齊西山歌

道被西山兮採其微矣以暴易暴兮不知其非矣

虞夏忽焉沒兮吾安適歸矣可嗟徂兮命之衰矣

漢古樂府王子喬

王子喬參駕白鹿雲中遊參駕白鹿雲中遊下遊來王  
 子喬參駕白鹿上至雲戲遊遨上建逋陰廣里踐近高  
 結仙宮過謁三台東遊四海五岳上過蓬萊紫雲臺三  
 王五帝不足令令我聖朝應太平養民若子事父明當  
 究天祿永康寧玉女羅坐吹笛簫嗟行聖人遊八極鳴  
 吐街福翔殿側聖主享萬年悲吟皇帝延壽命  
 漢劉向王子喬贊

仙傳集

卷二十六 藝文志

妙哉王子神遊氣爽笙歌伊洛擬音鳳響浮邱感應接  
手俱上揮策青崖假翰獨往

魏明帝步出夏門行

步出夏門東登首陽山嗟哉夷齊仲尼稱賢君子退讓

小人爭先惟斯二子於今稱傳林鐘受謝節改時遷日

月不居誰得久存善哉殊復善絃歌樂情解一商風西起

悲彼秋蟬變形易色隨風東西乃眷西顧雲霧相連丹

霞蔽日彩虹帶天弱水潺潺葉落翩翩孤禽失群悲鳴

其間二朝遊清冷日暮嗟歸蹠迫日暮烏雀南飛繞樹

三匝何枝可依卒逢風雨樹折枝摧雄來驚雌雌傷

棲夜失群侶悲鳴徘徊荒蕪荆棘葛生綿綿感被風人

惆悵自憐月盈則冲華不再繁古來之說嗟哉一言

晉陸雲子晉頌

王喬淵默遂忘潛輝遺形靈嶽願景亡歸變彼有傳與

爾翻飛承雲條忽飄飄紫微二集

宋謝靈運王子晉贊

淑質非不麗難以足百年儲宮非不貴豈若登雲天王

子愛清淨區中實羣龍冀見浮邱公與爾共續翻

梁江淹王子喬曲

王子好輕舉不待煉銀丹控鶴去窈窕學鳳對嶺岍山

無一春草谷有千年蘭雲衣正躑躅駕龍何時還

唐宋之問王子喬

王子喬愛神仙七月七日土賓天白虎搖瑟鳳吹笙乘

騎雲氣喻日精喻日精長不歸遺廟今在而人非空望

山頭草草露濕人衣本集

唐元結六英

六英高華氏之樂歌也其義蓋稱帝嚳能總六合之英

華凡二章章六句

我有金石兮擊考崇崇與汝舞歌兮上帝之風由六合

兮英華颯颯兮我有絲竹兮韻和冷冷與汝歌舞兮

帝之聲由六合兮根底窳窳二章

唐元結大濩

大濩有殷氏之樂歌也其義蓋稱湯救天下濩然得所

凡二章章四句

萬姓苦兮怨且哭不有聖人兮誰護一章聖人生兮天下

和萬姓熙熙兮舞且歌二章元次山集

唐柳宗元伊尹贊

聖有伊尹思德於民往歸湯之仁曰仁則仁矣非久不

親退思其速之道宜夏是圖就焉不可復反毫殷猶不

忍其遲亟往以觀庶狂作聖一日勝殘至千萬冀一卒

無其端五往不疲其心乃安遂升自阿黜桀遵湯遺民  
以完大人無行與道為偶道之為大為人父母大矣伊  
尹惟聖之首既得其仁猶病其久恒人所疑我之所大  
嗚乎遠哉志以為誨

柳州集

元張廓緱山謠

緱雲輕緱月明緱山仙人弄月雲徘徊鸞鶴吹玉笙仙  
人輕舉星斗橫雲月悠悠薄太清浮邱真人學道成丹  
砂九轉飛雲星羽衣芝蓋遙相迎遊軒相與朝玉京海  
日岩巖射清闕霞崕峒烘赤城倏而白藏變元英塵  
寰滄海桑田平紛紛萬兆分如癡蠅菌蠹促兮不

存

今未忘情香火華華兮視清明青天寥寥兮望霓旌歎

鶴池邊幾番春草生

本集

明劉基王子喬

王子喬乃是鬚王之子皇王之孫深宮洞房不稱意却  
駕白鶴尋軒轅虹霓為旛雲為旛飄然乘風上崑崙王  
子喬去何之朝登暘谷暮崦嵫六龍九鳳相追隨穆王  
西上不得王母訣胡為王氣獨爾私王子喬去不還后  
稷功業巍如山猶有九鼎知神姦王城日久生茆菅爾  
獨胡為白雲間王子喬空長嘆

本集



國朝呂澹曾樂府為楊烈女作

黃鶴毛羽歛光采恐蹈四海之羅彼惡者鷺強來求匹

其謂何什僵彼鷺鳥黃鶴心堅如盤石叶碎珠玉摧松

柏叶轉我思禮拜黃鶴黃鶴誠可思叶彼其貞此與眾鳥

殊

詩五古

魏曹植贈白馬王彪

謁帝承明廬逝將歸舊疆清晨發皇邑日夕過首陽

洛廣且深欲濟川無梁汎舟越洪濤怨彼東路長

戀城闕引領情內傷陳思王集

詩五古

步出上東門北望首陽岑下有採薇士上有嘉樹林良

辰在何許凝霜霑衣襟寒風振山岡元雲起重陰鳴雁

飛南征趨鳩發哀音素質由商聲悽愴傷我心文選

唐沈佺期鳳笙曲

憶昔王子晉鳳笙遊雲空揮手弄白日安能戀青宮豈

無嬋娟子結念羅幃中憐壽不貴色身世兩無窮全唐詩

唐宋之間奉使嵩山經緱山

侵晨發洛城城中歌吹聲畢景至緱嶺嶺上烟霞生草

樹饒野意山川多古情大隱德所薄歸來可退耕全唐詩

唐王昌齡緱氏尉沈興宗置酒南谿留贈

林色與溪古深篁引幽翠山樽在漁舟棹月情已醉始  
窮清源口壑絕人境異春泉滴空崖萌草坼陰地久之  
風榛寂遠聞樵聲至海雁時獨飛永然滄洲意古時青  
冥客滅蹟淪一尉吾子躊躇心豈其紛埃事緜降信所  
剋濟北余乃遂齊物意已會息肩理猶未卷舒形性表  
脫畧賢哲議仲月期角巾飯僧嵩陽寺

本集

唐李頎登首陽山謁夷齊廟

古人已不見喬木竟誰過寂寞首陽山白雲空復多蒼  
苔歸地骨皓首採薇歌畢命無怨色成仁其若何我

遺廟時

候微清和落日吊出鬼回風吹女蘿石門正

西谿引領望黃河千里一飛鳥孤光東逝波驅車層城

路惆悵此巖阿

全唐詩

唐岑參過緱山王處士黑石谷隱居

舊居緱山下徧識緱山雲處士久不還見雲如見君別  
來踰十秋兵馬自紛紛青溪開戰場黑谷屯行軍遂令  
巢由輩遠逐麋鹿群獨自南澗水潺潺如昔聞

岑嘉州集

唐岑參緱山西峰草堂

結廬在中嶽青峰常在門遂耽水木興盡作魚樵言頃  
來闕章句但欲閑心魂日色隱空谷蟬聲諠暮村曩聞

道士語偶見清淨源  
隱几闕吹葉乘秋眺  
歸根獨遊念  
求仲開徑招王孫  
片雨下南澗孤雲出東原  
棲遲慮益澹脫畧道彌敦  
野靄晴拂枕客恍遙入軒  
尙平今何在  
此意與誰論佇立雲去盡  
蒼蒼月滿園同上

唐王季友滑中即緱氏贈崔高士瓊

夫子保藥命外身得無咎  
日月不能老化腸爲筋  
否十年前見君甲子過我壽  
云何今相逢華髮在我後  
近而知其遠少見今白首  
遙信蓬萊宮不死世世有元石  
採盈擔神方秘其肘問家惟指雲  
愛氣常言酒攝生固如此  
履道富不朽未能大元同願亦天地久實腹以芝朮

仍腐狗自勉時勉余良藥在苦口全唐詩

齊吳筠伯夷叔齊

夷齊互崇讓棄國從所欽  
事來及宗周乃復非其心  
世獨不可處冰清首陽岑  
采薇詠義農高義越古今

宋范仲淹拜馬澗

傳聞王子晉澗邊遺逸驥  
當時青雲路雞犬皆可致  
未必真龍媒悠然在平地文正公集

宋歐陽修拜馬澗

昔聞王子晉把袂浮邱山  
金駿於此墜吹笙不復還  
玉蹄無蹟久澗草但荒烟文忠公集

宋梅聖俞拜馬澗

王子晉凌覽國人茲拜馬依稀日夜笙聲入寒泉瀉空  
傳七日期飛鶴何時下宛陵集

宋歐陽修公路澗

驅車渡寒流斷澗橫荒堡槎危欲倚岸花落多依草擊  
汰玩游鯈倒影看飛鳥留連愛芳杜漸下四峰照

宋范仲淹公路澗

崧山發靈源北望洛陽注清流引河漢白氣橫雲霧莫  
雄著此地百萬會相距近代無戰爭常人自來去文正公集

宋梅聖俞公路澗

寒袁公溪對岸猶殘壘柳遠臨灣新浦初出水  
行古臺近雨雨飛禽起鷄犬何處聞人家深塢裏宛陵集

宋梅聖俞輟轍道

險絕稱漢關晨躋曙二室盤紆石路迴迤邐雲峰出古  
壁掛青蒼天風起蕭瑟洛城西回首望望平野密

宋梅聖俞少姨廟

靈祠古廟深少室群峰碧行雨欲隨車望岩非化石當  
聞蘭氣蒸誰慕椒香液寄謝洛川妃凌波定何益

宋范坦緱山廟

子晉絕塵累受道浮邱公吹笙緱嶺上高標發碧松三

千功行滿玉書下層穹舉手謝浮世鶴馭搏秋風集本

金元好問緱山置酒

靈宮肅清曉細柏含古春人言王子喬鶴馭此上賓白

雲山蒼蒼平田木欣欣登高覽元化浩蕩融心神西望

洛陽城大道通平津行人細如蟻擾擾爭紅塵蓬萊風

島渺鬢毛日夜新殷勤一杯酒媿爾雲間人遺山集

明宋濂贈劉逸民先輩

劉君卓犖士出自詩書胷肩日儼如畫幽花眩晴晝

嘖忽來謁進退頗溫茂自言宅偃師家昔千金富大

名法從纍纍印懸綬文辭補元化求者輒奔走繼此

水蠟屐穀城岫或騎紫駟馬深林出從獸黃鬚年少兒

執矢列先後一發巧中肋驩聲溢郊園狼兔懸寶鞍歸

來薦清耐燕姬白如雪時唱清角侑人意天上郎雌伏

不敢雌一旦黃金盡其事乃大謬漁樵來爭席僣媵或

昂脰憤來氣屢絕十起九顛仆折節去讀書攻苦分句

讀音逗初如蛇入筍漸類雛脫殼把筆學為文衆色紛采

就又恐誤儒冠雜藝亦兼究雅琴辨商宮古文參篆籀

六物推休詳八卦占爻繇更參九箴法俞穴別膚腠彈

碁與握槊賭勝欲起鬪不覺疾聲呼有若熊虎吼最便

結風舞唯恐技難售偶逢玳筵張肴核列飴餽酒酣兩  
耳熱徐起整衿袖文鸞側鞞翎皓鶴仰褰囑躡節眇盤  
鼓迴旋逐音奏雖得諸工憐不博兩肩皴使者天上來  
會合誠邂逅負書亟從之何趨杵投曰三河及幽并無  
地不驅驟登高或吊古感時更懷舊恨無息肩所若沉  
疴待灸前年往龍漠氣序異常候八月雪卽飛一夜三  
尺厚今年度庾嶺熱氣甚蒸餽老梅雖未花鐵幹倚雲  
瘦欲俟喘息定陰厓聊宿留王虺長過竹籊首出嵌竇  
目光夾明鏡鑠我汗如漚閉目但待噬有術不暇祝性  
命鴻毛輕幾被山鬼蹂年來自懲創此險安可復俯

十載間行事賤如畜徒然召悲辛寸祿焉能收卽將  
雲松終老友猿穴予聞心鼻酸宛若身在疾於時十月  
交日月會龍猶霜風吹人急層衣悉穿漏百齡駒過隙  
胡不重棲宿須知學踐形庶不慚載覆勺水當離尊贈  
詩比糧糗歸與勿外留吾言不能又本集

明程蘭偃師伯墓

偃師城門東有墓高且大隧道立豐碑事實後人載云  
是魏王彌世遠幸猶在妙年註易辭理趣深可愛名與  
鍾會齊文采更豪邁英靈死不泯稍稍見竒怪陰致陸  
士衡冥談至夜艾草莽遠荒坵歲月幾更代我行過墓

仰德良展拜忽憶雍門言悽然發長慨集本

明薛蕙渡伊洛

夕陽入東浦白露滿秋坂孤鴻唳更悲芳草色已晚悠悠

悠道路迥杳杳嵩少遠寄語山中人旦夕吾將返西原集

國朝陳維崧偃師縣東王輔嗣墓下作

陸機昔入洛夜行次偃師我來經此地正值寒冬時蕭

蕭王弼墓省省晨風吹湖海樓集

詩七言

唐岑參偃師東與韓樽詣景雲文苑英華無 暉上人

事

老僧解楞伽潁陽歸客遠相遇烟深草濕昨夜雨

雨後秋風渡漕河空山終日塵事少平郊遠見行人小

倚書磧上黃昏鐘別駕渡頭一歸鳥嘉州集

唐李白鳳吹笙曲

仙人十五愛吹笙學得崑丘彩鳳鳴始聞鍊氣餐金液

復道朝天赴玉京玉京迢迢幾千里鳳笙去去無邊已

欲歎離聲發絳唇更嗟別調流纖指此時惜別詎堪聞

此地相看未忍分重吟真曲和清吹却奏仙歌響綠雲

綠雲紫氣向函關訪道應尋緱氏山莫學吹笙王子晉

一遇浮邱斷不還太白集

唐王季友酬李十六岐

煉丹文武火未成賣藥販履俱忘名出谷迷行洛陽道  
乘流醉卧滑臺城城下故人久離怨一歡適我兩家願  
朝飲杖懸沽酒錢暮餐囊有松花飯于何車馬日憧憧  
李膺門館日登龍千賓指對若流水五經發難如扣鐘  
下筆新詩行滿壁立談古人坐在席問我草堂有卧雲  
知我山厨無擔石自耕自刈食為天如鹿如麋飲野泉  
亦知世上公卿貴且養山中草木年

全唐詩

唐釋靈一妙樂觀

王喬所居空山觀白雲至今凝不散壇場月路幾千年  
往往吹笙下天半瀑布西行過石橋黃精採根還採  
忽見一人檠茶碗蓂花昨夜風吹滿自言家處在東坡  
白犬相隨邀我過松間石上有碁局能使樵人爛斧柯

全唐詩

元劉咸過田橫墓

望夷宮中秦失鹿揮戈奮起相驅逐真命已歸隆準翁  
五百義士空碌碌當時南面已稱孤曾視群雄輕若無  
使其得志成帝業功比炎漢知何如尺地寸天既有主  
便合終身向海許如何猶自慕侯王屑屑甘心效瑣尾  
一朝乘傳之洛陽西望長安增慨慷就令高祖見優待



同對二客慚無光以茲伏劍能就死委骨城東三十里  
幸蒙漢家寬大恩下詔葬以時王禮悠悠往事垂千年  
主客游魂俱可憐作詩聊效感歌意再拜墓道思悽然

國朝張雄圖喬氏雙節行前序

喬氏雙節姑婦也姑蘓氏喬之賢妻婦薛氏文學喬文  
奎妻崇禎十四年流寇過偃肆攻掠之賢以禦賊死文  
奎為賊所衝突逃竄與母妻相失薛氏隨姑避亂亦相  
失迺攜幼子匿澗旁土窟中見賊奄至度不免遽投澗  
死蘓氏投井得不死食井泥六晝夜賊退姪某汲水聞  
其呻吟聲以繩引出之孫外翰魯菴先生賦

君不見烈嬭井井中浩氣噴長虹倒射疑拖百尺

不見清風嶺嶺下浪逐桃花翻紅浸當年血未冷貞嬭  
何其貞避賊嶺上衝雲行貞母何其貞入井自誓羸其  
餅逃生不生嶺下死誓死不死井中生一生一死皆全  
名嗚呼嶺雲塞谷口嗚呼井幹拂綠柳嗚呼一嬭同一  
母一嶺一井同不朽

國朝田雯轅轅關放歌

五丁神力齊闕疆二室鑿破森開張宏睿洞壑立門戶  
下流洛水奔洛陽車馬不從此地入途迷七聖風沙黃  
轅轅關自何代始崎嶇犖磽迴羊腸石子大者似石罔

小者彈丸如珠光禹行治水錯伐鼓塗由氏女來相將  
野語創自淮南子搜神述異何譎狂五乳峯嵐但咫尺  
山椒神瀆紛低昂三素雲漏駁霞漏吹笙王子摩青苔  
天邪桃花路側塞翠苑天棘排兩行驚瀧聲搖緜氏窟  
匹練飛下金牛岡白髭老子遊嵩客八風四扈來徬徨  
春山淡冶迎人笑燕子戴勝鳴村旁便與洪崖採藥去  
手抄未序長生方雲輶一駕群靈接上朝三十六玉皇

古歡  
堂集

國朝陳維崧雪後從偃師至登封度少室山嶠嶺

已酉首春月十七渡洛曉發揚林東嶺岫負黍忽接

湧出菡萏攢蒼穹我行弭節躡絕頂歎飲浩氣蒸鴻濛  
是時萬山正積雪砒崖鐵繡光玲瓏白踏中原莽浩浩  
紅撲陽谷光熊羆恭聞嵩山壓天下五岳異秩茲當中  
百王極瘞誌昭報列聖柴望彰尊崇我生江表若培塿  
柯異斤鷄棲樊籠昨年驅車走燕趙亦復羸馬經山東  
北恒東岱掉臂過探竒未獲登巖窈惟茲我更有夙契  
嶽靈憶昔叨併幪前朝熹廟歲乙丑余祖六表孫得雄  
舍館摩弄感神呪嘉名肇錫云維崧此行詎料陟山麓  
禮合膜拜酬神功何爲過廟不敢入爾與童殺將無同  
嗚呼此亦大有故貧賤自恨無終窮短衣敝屣泥沒蹠

見此轉使山靈痛，依人奔走覓衣食。似爾豈得誇桑蓬，揮鞭掩面凌絕險。矯若鷺鳥搏天風，趨人山勢似相捕。遮莫失脚愁虛空。

湖海樓集

國朝劉青藜田橫墓

洛陽城東三十里，道北有塚巋然起。殘碑剝落字依稀，云齊田橫葬於是。旁二小邱，耐東偏想是從來之二士。陳詞薦酒憶昌黎，四顧慨然嘆不止。雄心不受北面辱，乘傳胡為乎至此。一旅一成自可王，五百人况如虎兕。海島焉知非沛上，長驅逐鹿中原壘。不然割據伯一方，

南越亦其比。縱事不成葬魚腹，猶愈劊身尸。鄉

成敗亦偶然，隆準翁特佻。倖耳箕裾嫂罵湯，

遊者誰知廉耻假。令三尺劍不靈，鴻門不死彭城死。

蕭曹豈是仗節人，子房早從赤松子。得士雖未免劔鉞，

擾擾終能殉知己。

高陽山人集

詩五言

唐崔湜寄天臺司馬先生

聞有三元客，祈山九轉成人間。白雲返天上，赤龍迎尚

惜金芝。晚仍攀琪樹，榮何年。緱嶺上一謝洛陽城。

全唐詩

唐宋之間緱山廟

王子賓天去，飄飄笙鶴飛。徒聞滄海變，不見白雲歸。天

路何其遠人間此會稀空歌日云暮霜月漸微微唐品彙集

唐劉偉之孝敬皇帝挽歌

戒奢虛蜃輅錫號紀鴻名地叶蒼梧野途經紫聚城重  
照掩寒色晨飈斷曙聲一隨仙驥遠霜雪愁陰生品彙集

唐張九齡送蘓主簿赴偃師

我與文雄別胡然邑吏歸賢人安下位鷺鳥欲罕飛激  
節輕華冕移官狗綵衣羨君行樂處從此拜庭幃曲江集

唐杜甫過宋員外之問舊莊

未公舊池館零落首陽阿枉道祇從入吟詩許更過淹  
留問耆老寂寞向山河更識將軍樹悲風日暮多曲江集

唐杜甫題孟倉曹將書覓士婁舊莊一莊在偃師公舊居

平居喪亂後不到洛陽岑為歷雲山問無辭荆棘深北  
風黃葉下南浦白頭吟十載江湖客茫茫遲暮心

唐岑參尋少室張山人聞與偃師周明府同入都

中峯鍊丹客昨日遊人間葉縣見共去葛陂龍暫還春  
雲湊深水秋雨懸空山寂寂清谿上空餘丹竈閑全唐詩

唐崔曙緱山廟

遺廟宿陰陰孤峯映綠林步隨仙路遠意入道門深澗  
水流年月山雲變古今祇聞風竹裏猶是鳳笙音全唐詩

唐竇牟緱氏拜陵迴道中呈李舍人少尹

忽委諸卿位仍陪長者車禮容皆若舊名籍自憑虛上  
路花偏早空山雲甚餘却愁新詠發酬和不相如

全唐詩

唐許渾留贈偃師主人

孤城漏未殘徒侶拂征鞍洛北去遊遠淮南歸夢闌曉  
燈回壁暗晴雪卷簾寒強盡主人酒出門行路難

丁卯集

唐周賀緱氏韋明府廳

貴邑清風滿誰同上宰心杉松出郭外雨電下嵩陰度  
鴈方離壘來僧始別岑西池月纔迴會接一宵吟

全唐詩

宋歐陽修緱氏縣

亭後徹郊畿人家嶺環西青山臨古縣綠竹連寒溪  
行收穗桑間曉灌畦東臯有深趣更擬卜幽棲

秋色滿郊原人行禾黍間雉飛橫斷澗燒響入空山野  
水蒼烟起平林棲鳥還嵩峯久不見寒碧更潺潺

文忠公集

元口口烈女井

纒有金時井猶傳烈嬭名從容知盡義急遽卽捐生

激山將裂光涵水自清鄉人常下拜不敢照無情

元趙忠宿永慶寺

已斷幽棲境談元四座驚性天春浩浩心鑑月明明象  
教千年重塵緣一羽輕學登最上乘安穩度生平

國朝王士正望緱山廟

王子乘鸞鶴飄搖伊洛間至今明月夜鳳吹滿空山  
緜氏仙踪杳東萊漢使還樓居高幾許天路渺難攀

精華錄

國朝施閏章偃師張明府松臺同登緜山二首

不知黃屋貴揮手出塵氛地古迷丹竈天清來岳雲荒

祠環嶂入仙樂凡人聞倘值浮邱子吾將駕鶴群

虞山集

葉縣神仙宰緜山帝子臺尋幽歡並馬惜別重啣杯鶴

駕層霄遠秋聲萬壑來不勝懷古意捫碣徧荒苔

國朝李因篤周大夫萇宏墓

地古風猶烈川平雪漸消石傍生宿社雲外落寒鵬碧

托卮山翠清來洛水潮東周何處是指點問漁樵

朝劉日珍顏魯公墓

國義師起連兵應朔方豈惟標殿虎真欲殪天狼正

氣乾坤撼孤忠日月光從容遺表壯魂魄遶崧邛

國朝張育徽節烈李氏

大節明于日閨流志不遠承顏甘藁鼎截髮守霜幃勁

栢看孤立寒筠淡夕霏青冥長一笑視死竟如歸

國朝萬邦榮偃師喬烈婦

為賊所逼投溝死

大壑石嶙峋臨崖竟奮身千秋傳烈女當日幾降臣露

泣花含淚風暄草不春年年哀杜宇回首恨烟塵

紅崖集

國朝吳雯宿孫家灣

中酒翻成病長謠祇益哀一燈殘夜後百感壯年來洛  
水芝難採嵩陽桂未開愁心與歸夢却傷赫連臺蓮洋詩鈔

國朝劉青藜杜少陵墓

尸鄉東去路一弔少陵墳短褐埋青草荒山鎖白雲百  
年常作客一飯不忘君白酒來江夜淒涼不忍聞

萬里清明節回頭憶北邙可憐出巫峽曾未到襄陽故  
國三千里羈魂二十霜蹉跎稷契志終古恨茫茫

鳳髓夸天上鯨魚掣海中寸心應自許獨步竟誰同城  
樹蚍蜉拙戲蘭翡翠工飛霞無路覓惆悵憶韓公高山人集

唐許渾送蕭處士歸緱山

醉歌烏帽髮如絲曾看山人一局碁賓館有魚為客久  
鄉書無雁到家遲緱山近住吹笙廟湘水行逢鼓瑟祠

今夜月明何處宿九嶷雲盡碧參差品彙集

唐王建上武元衡相公

旌旗坐鎮蜀江雄帝命重開舊閣崇褒貶唐書天厯上  
捧持堯日慶雲中孤情迥出鸞凰遠健思潛搜海嶽空  
長得蕭何為相國自昔流水盡朝宗品彙集

唐周傲轅轅道

輾轅道路遠崇岡百折崎嶇似太行微雨遙添千嶂碧  
好雲時度百花香林邊鳥色分朝景樹杪蟬聲送夕陽  
欲挽雲蘿登二室層巖無路重徬徨

宋蘇軾次朱光庭初夏

朝罷人人識鄭崇直聲如在履聲中卧聞疎響梧桐雨  
獨咏微涼殿閣風諫苑君方續承業醉鄉我欲訪無功  
陶然一枕誰呼覺牛蟻初除病後聰

東坡集

明王世懋宿煖泉寺

尊菜鱸魚反季鷹扁舟欲發遇山僧稻花香裏流瀉玉  
水月空中出聖燈夜色蒼蒼嵩二室秋風漠漠宋諸僧  
柳春犬吠如相應幽意令人憶右丞

明杜謙牛心山莊隱士藏修處

鳥道猿聲第幾重半天藜杖夕陽峰清時難起烟霞癖  
長日空遺石壑踪碧水一溪秋泛月綠蘿千尺曉凌松  
萼鱸不待秋風起洗耳懸瓢尙可從

國朝王鐸緱嶺

少室石崖嶺上通仙人遺蹟未曾空全身樹木輕雲上  
破廟樓臺返照中鴻寶常燒丹穴火鶴泉好飲白頭翁  
我來已到芝田過兩岸桃花滿路紅

國朝王鐸輾轅



翹首轅轅隔遠溪  
哀年避難久羈棲  
汴中荒野多燐火  
洛下孤城尙鼓鞞  
百物盡凋人散後  
千門不閉日沉西  
瘡璣天地憑誰轉  
綠暗紅飛一鳥啼

國朝施閏章偃師懷古

伊洛披寒漸作霜  
嵩山人望倚天長  
吹笙廟古聞緱嶺  
叩馬邨傳自首陽  
輔嗣斷碑秋草沒  
田橫高塚暮雲黃  
可憐周武休兵地  
亂後空城半白楊

愚山集

國朝呂履恒緱山廟

玉殿深沉鎖翠微  
人傳王子事依稀  
緱山月冷笙何處  
洛浦雲深鶴未歸  
苔色侵碑微有字  
松陰覆地盡成圍

國朝張漢顏魯公墓

偃師何處識顏家  
南海神丹投碧霞  
四水交流存葬地  
祿山一變靜塵沙  
杲卿有弟風同烈  
御史尊名雨亦嘉  
鐵石心腸歸視死  
筆留筋骨走龍蛇

國朝徐漣田橫墓

棘楚薪餘秋草生  
荒墳人盡說田橫  
中原逐鹿歸蕉夢  
東海無波著島名  
五百人亡精衛泣  
三千里外杜鵑鳴  
當年稅駕知何意  
感慨徒嘆弔古情

國朝喬琬登緱山閣

丹山拔地起層樓極目登臨動遠愁二室風烟盃底合  
三川波浪坐中收雲間半落笙聲杳天外遙歸鶴影留  
悵望輾轉關下路無端名利自牽勾

國朝王維從顏魯公墓

邛山北下魯公墳洛水東流白浪翻御史臺前天落雨  
常山舌後弟歸魂正趣行在風雲合肯使東都日月昏  
二十四城誰社稷獨留大義出平原

國朝石爐太子陵

高宗太子名宏

西風瑟瑟露滋滋帝子墳園日暮時落葉無端歸斷壑  
波濤有意撼洪涯聰明豈道生前誤

李泌云天后惡其聰明醜殺之

敬空傳死後慈

天后太子歿後謚孝敬皇帝以掩其跡

田舍翁家寧有此

何堪卒讀摘瓜辭

國朝劉綸緱山

聖製元韻

抗手何人鶴背連地行爭解艷神仙縱知是事言荒畧  
已覺茲山意邈綿嶺度玉笙通少室池分丹水熟平田  
吾

皇道法超元契不錄西崑園苑篇

國朝喬履信邑里秋思

帝營城邊思不禁山川漠漠素烟深雲連嵩嶽常朝暮  
浪走黃河自古今壯不如人空唾手秋多悲氣獨驚心

等閒擬作安仁賦萬里晴暉對一襟

洛陽東去水潺湲千載田橫墓尚存半嶺寒烟封石穴  
一灘秋草護邱園雄心不復歸滄海俠氣猶堪上早曠  
烏盡弓藏還洒淚淮陰往事與誰論

詩五言  
排律

唐張仲素夜聞洛濱吹笙

王子千年後笙音五夜聞逶迤清洛續斷下寒雲泄  
泄飄難定啾啾曲未分松風助幽律波月動輕文鳳管  
聽何遠鸞聲若在群暗空思羽蓋餘氣自氛氲

唐鍾輅夜聞洛濱吹笙

月滿緱山夜風傳子晉笙初聞盈谷遠漸聽入雲清  
在異人間曲遙分鶴上情孤鸞驚欲舞萬籟寂無聲此夕

留烟駕何時返玉京惟愁音響絕曉色出都城

唐厲元緱山夜月聞吹笙

緱山明月夜岑寂隔塵氛紫府參差曲清霄次第聞韻  
流多入洞聲度半和雲拂竹鸞驚侶經松鶴舞群蟾光  
聽處合仙露望中分坐惜千巖曙遺音過汝墳

以上全唐詩

唐鄭畋緱山廟

在昔靈王子吹笙遡次寥六宮拔不住三島却相招亡  
國原陵古賓天歲月遙無蹤窺海曲有廟訪山椒石帳

龍蛇拱雲樓彩翠銷露壇裝琬琰真像寫松喬珠館青  
童晏琳宮阿母朝鳳輿仙女侍天馬吏兵調湘妓紅絲  
瑟秦郎白管簫西城邀綽約南嶽命嬌嬈句曲觴金洞  
天台嘯石橋晚花珠弄蕊春茹玉生苗二景神光秘三  
元寶籙饒露垂鴉翅髮冰束虎章腰鶴馭爭啣箭龍妃  
各獻銷衣從星渚浣丹就日宮燒物外花常滿人間葉  
自凋望臺悲漢戾閩水笑梁昭古殿香殘地荒階柳長  
條幾會期七日無復降重霄崧嶺廻天漢伊瀾入海潮  
河山得真訣使我珮環飄

唐盧綸卧病寓居龍興觀枉馮十七著作書知罷攝格

陽赴緱氏因題十四韻寄馮生并贈喬尊師

聯子推官

乞假依山宅蹉跎屬歲周弱莢輕採拾鈍質稱歸休  
潘岳衰將至劉楨病未瘳步遲乘羽客起厭滯書郵幸以  
編方驗終貽骨肉憂灼龜爐氣冷曝藥樹陰稠語命心  
堪醉傷離夢亦愁葦簞居已絕鸞鶴見無由世累如塵  
積年光劇水流躡雲知有路濟海豈無舟荷玉翻成難  
投磚敢望訓卑棲君就祿羸憊我逢秋腐葉填荒輒陰  
螢出古溝依然在遐想願子勵風猷

詩七言律

國朝王紫綬過崑嶺宿少林寺同李霖九傅叔甘

輟輟千仞踏芙蓉僕馬勞勞不自供林內朱丹霜出寺  
杖前斷續路隨鐘誰分二室稱中岳偕向中天叩正宗  
初地山圍紅日少祖堂梯斷白雲封殘寮瓦壞雛巢露  
旁澗沙虛虎跡逢古鼎踈烟寒佛座長橋濕翠印樵蹤  
貪杯社許陶元亮薄宦群隨邴曼容蝌蚪蘚苔纏蠹鼠  
蒼茫河洛老龜龍雪亭戶閉棋聲出竹院階晴花影重  
共道鳳笙吹此嶺獨銜明月是何峯火搖四壁螢流屋  
夢穩三更鶴定松金磬夜連濤謾謾石幢風動草萑萑  
九秋爲訪三花到雙樹欣看二妙從蓮漏漸稀星斗落  
塔鈴繁響露華濃篝燈此夜連禪榻蠟屐明朝信野

詩五言

元楊奐輟輟坂

盤盤十二曲石嶺瘦崢嶸脚底有平地何人險處行  
明趙謙之再過崑嶺

秋草連天碧秋雲萬里長日夕過崑嶺少室在蒼茫  
國朝呂履恒孫家灣月夜看藕花二首

客心憐靜夜隨月看芙蓉未到花深處香風已滿裾  
露下光初濕風微氣更清夜深漁艇宿閒殺水雲情

國朝彭啟豐喬烈婦八首并序

喬母薛氏河南偃師人爲文學貞一公之配值明季  
亂流寇肆掠挈家避荒邨群兇猝至露刃脅降不爲  
屈遂投溝死噫忠臣義士蹈白刃者多矣若閨中殉  
節亂離之際大義昭垂詎止不辱其身已哉爲賦絕  
句八章以備輜軒之採焉

伊水何清盈白石堪漱齒林下起芳塵閨中烈女子  
結襦備鴻儀烹魚進豐饌處順不爲難時窮節乃見  
寇氛肆屠虐鄉井紛竄亡哀哉鋒鏑慘何處潛身藏  
憤臆通風霆貞光回日月一死示不移溝中委白骨  
自古忠烈臣睢陽與常山巾幗僅有此高風迥難攀  
結塚逾百年松楸幹如鐵夜深照青燐杜鵑泣碧血  
湘妃淚添竹杞婦哭崩城香魂應不朽憑弔盡心驚  
故里下靈旗新廟芳蓀薦勗哉太史家彤管標黃絹  
國朝裴希純王輔嗣塚二首

相傳陸士衡談易王公墓我欲探竒踪白雲橫古樹  
當日傳心處定非有字書眼前皆大易可悟無文初  
國朝桑調元許睢陽

九死睢陽戰饑羸不易心許公埋骨處猶自陣雲深  
國朝桑調元碑杜當陽工部墓處

遠祖與聞孫文章勲業存九原相映徹都在土婁邨

詩七言絕

唐白居易王子晉廟

子晉廟前山月明人聞往往夜吹笙鸞吟鳳吹聽無拍  
多似霓裳散序聲

香山集

唐武元衡嶠嶺四望

漢家仙仗在咸陽洛水東流出建章野老至今猶望幸  
離宮秋樹獨蒼蒼

唐徐凝和川守侍郎緱山題仙廟

王子緱山石殿明白家詩句咏吹笙安知散序人間曲  
不是寥天鶴上聲

唐許渾緱山廟

王子求仙月滿臺玉簫清轉鶴徘徊曲終飛去不知處  
山下碧桃空自開

丁卯集

唐武元衡緱山道中口號

秋水寂寂秋水清寒郊木葉飛無聲王子白雲仙去久  
沿濱行客夜吹笙

宋文彥博雙泉

長劍並彈霜氣豪白虹半折秋雲高濯纓洗耳更何處  
世人回看輕鴻毛

本集

宋僧嬾雲田橫墓

荒塚臨岐尙隱然春風吹綠草芊芊牧兒亂唱黃昏後  
猶是悲歌薤露篇

金滄南老人緱山廟

緱山笑兀上空虛古柏森森幾萬株一自吹笙仙去後  
乘鸞曾返故鄉無

明薛瑄王輔嗣墓

四聖千年道久湮誰從羲畫見天真先生埋骨卽山麓  
猶有元談悟後人

文清公集

明張濟奇浮邱洞

洞門無鎖却塵譁瀑布飛來澗古槎午夜月明仙迹在

一灣溪水送桃花

國朝王士正王輔嗣墓

鍾會齊名果是非白楊孤塚暮烟微如何一夕談名理  
不換河橋誤陸機

國朝王士正緱氏縣

白茅授印事何如底許孫卿更上書桂觀蜚蜚廉人力竭  
祇緣仙子好樓居

國朝王士正田橫客墓

一劍縱橫百戰身楚雖三戶竟亡秦拔山力盡虜兮死  
爭及田橫五百人

漁洋山人集



國朝潘耒田橫墓

齊甯甘作漢臣使邀封爵亦危身樹功將相猶薤藠

何況同時逐鹿人

國朝呂履恒飲鶴池

緱山雲樹望中開古逕還留子晉臺聞道夜深笙鶴度

一聲飛過萬峯來

國朝呂謙恒葭宏墓

河橋冰泮石磷磷冷日荒壕感路人此地幾年埋碧

至今楊柳不成春

國朝萬邦榮緱氏道中

寒花隨野水長秋原曉日照新霜白雲紅樹

一片青山入洛陽

國朝喬履信顏魯公墓

遺表不生還青草孤墳倍可憐何事投丹陶八

出洛水自年年

國朝全軌王輔嗣墓

荒墳碧草春交枝切柏盡龍鱗世間刺刺聽殊厭

才鬼清談最可人

國朝全軌杜工部宅

故宅河山跡已沈青苔白勝豁登臨宋公池館無人問

天地常留一飯心

以上真志堂集

毓倬按舊志有偃師八景南郊桃柳鄆荷布錦緱山  
夜月邛山雪霽滑城烟雨夾河漁唱馬鞍山色首陽  
曉曉鋪張粉飾無關政要今從郡志刪去而藝文內  
所載唱和詩皆留連光景之作亦概不收錄

一八首信人歌劇

